

## MUKANDA A HENDI WAKAFUNDELA PAULU ASI

***TESALONIKA******Wambatumela Moyo***

**1** Paulu, la Silivano, la Timote, Le Ekelezia ka la Tesalonika keli le Unyashungu Shesu la le Khumadiondo Jesu Kristu:

2 Ngandji ka mamba kayali la nyu, ndu ki k'uma le Unyashungu Shesu, la uma le Khumadiondo Jesu Kristu!

***Ehamelu ka Mbetawo la Kolamelu y'Asi Tesalonika l'Atei w'Asui***

3 Anyasu, dieli la su dia mbuka Unyashungu lusaka nshi tshe dikambu dianyu. Dikambu diako dieko ololo, ne dia mbetawo kanyu katulaka otekoya, la ngandji kukananyu kambuyala efula. 4 Okone shame tambuyatumbula dikambu dianyu l'Ekelezia wa Unyashungu, dia etetemalu kanyu la mbetawo lu asui anyu tshe la lu fono kambunyukike.

5 Akambu aku mbeli djimbitelu y'elumbwelu k'ololo ka Unyashungu, ne dia nyu mbalema ololo wakuka mboto lu diulelu dia Unyashungu, diako diasuwanyu — 6 naka dieko ololo dia Unyashungu nsuya wane watunyusuyaka, 7 la dia nyu wane wasuyama wumuya la su lu enelo ka Khumadiondo Jesu uma l'ulungu la andjelo andi a wulu lu lumbi la dja, 8 ndi ayosomboya wane waheyi Unyashungu, la wahakitanya lukumu l'ololo la Khumesu Jesu. 9 Vo wayusuwa, wayunyema pundju uma l'elundji ka Khumadiondo la uma lu lutumbu la wulu andi 10 lam'ayundaya dia ndjutumbwama le ekilami andi, la dia ndjambiya le wane tshe wakawetawo, ne dia ndjutumbwama le ekilami andi, la dia ndjambiya le wane tshe wakawetawo, ne dia nyu nyaketawo diui diasu lushi lako. 11 Dia dikambu ne, mbatutunyolobelaka nshi tshe shati: Unyashungu asu anyali ololo wedimi la leta lanyu, ndu anyuludia la saki tshe k'ololo la ulimu a mbetawo, la wulu 12 dia lukumbu la Khumesu Jesu ntumbwama l'etema anyu; la dia nyu ntumbwama l'utema andi, uku eli ngandji ka mamba ka Unyashungu asu la ka Khumadiondo Jesu Kristu.

***On'a Eshishwelu Ayushwama Ntundu k'Eyelu ka Khumadiondo***

**2** Anyasu, shu tambunyosengasenga dia eyelu ka Khumesu Jesu Kristu, la dia esanganelu kasu la ndi; 2 shati: Tanyohenyahenayamaki esadi lu tukanyi, tanyutshamaki kele lu nyuma, lu diui, kuyanga lu mukanda wambufana uku uma le su, ati: Lushi la Khumadiondo lambuyakaka. 3 Untu tanyudimbiyaki nduku yema, ne dia dikambu ne hadiuyala, tshikima antu efula wambutatunyi dikambu dia Unyashungu ntundu, la kanga ufutanu, on'a eshishwelu, ambushwama, 4 one latuna, ndu layambiya la ntundu ka diango tshe dietawo vati: Ditemolatemola, kana diango tshe diatemolawo. Okone ndi atudjaseka lu etemwelo ka Unyashungu, ayata ati: Dimi Unyashungu. 5 Nyu hanyaho nyati: Lam'akimi la nyu, dimi lakanyutelaka akambu aso? 6 Kakiane nyu mbeyaka one latushimbanaka, ne dia ndi ayenama l'etena kandi. 7 Dikambu ne di'uhedia diakashami, diatutshaka ulimu adio kakiane. Keli ushibimi eko kakiane, ayûshimba, edja ndu lam'ayuwuwunya. 8 Ku kanga uhedia ayenyama, ayudiakema le Khumadiondo Jesu la luwi l'uma l'unyo andi. Ndi ayuwete uku anyanya l'eyelu kandi. 9 Eyelu kandi kambedima l'elimu wa Satana la wulu tshe, ndu la tulimbitelu, ndu la akambu wa mamba wa kashi, 10 la kesu tshe ya kolo ya wane wambushisho, ne dia vo kumbetawo ngandji k'akambu wa mete, dia vo nshimbamela. 11 Dia dikambu ne, mbatutumelaka Unyashungu ulimu wa munga, dia vo mbetawo akambu wa kashi, 12 dia vo tshe waki kumbetawo akambu wa mete, keli wakangenangena lu akambu wa kolo, walumbuyami.

***Unyashungu Akanyosonola Dia Nyusha Panda: "Nyukimeli Akambu Wakanyetshama"***

13 Anyasu, elangimi wa Khumadiondo, dieli la su dia mbuka Unyashungu lusaka

## 2 TESALONIKA

nshi tshe dia dikambu dianyu, ne dia Unyashungu akanyosonala umaka etatelu dia nyusha panda, lu ekidiamelu ka Nyuma la ka mabetawo k'akambu wa mete. 14 Lu akambu ane, mbakandanyeti lu lukumu l'ololo lasu, dia nyu nungula lutumbu la Khumesu Jesu Kristu. 15 Okone nyu anyasu, nyushikimali; nyukimeli akambu wakanyetshama, kuyanga lu diui, kuyanga lu mukanda wakatanyufundela.

### *Ambâlombela Unyashungu*

16 Khumesu Jesu Kristu ndame, la Unyashungu Shesu, lakanlangi ndu lakatusha ekitshelu ka pundju la elungamelu k'ololo uma lu ngandji ka mamba, 17 akikitscha etema anyu, ndu anyushikike lu elimu w'ololo tshe la lu aui!

### *Alaku Amotshi*

**3** Anyasu, diui diami dia ndjihelu ne nti: Nyutololbelaki, dia diui dia Khumadiondjo diadiangani ndu diatumbwami, uku atumbwamadio l'atei anyu; 2 la dia shu ntshungwama uma l'anya wa akanga a djawudi la antu wa kolo, ne dia aha antu tshe mbeli la mabetawo. 3 Keli Khumadiondjo eko la kolamelu. Ndi ayunyushikike, ayunyulama uma le kanga kolo. 4 Shu teko la elungamelu le Khumadiondjo dikambu dianyu, shati: Nyu nyatutshaka ndu nyayutshaka akambu wanyutelasu. 5 Khumadiondjo alombole etema anyu lu ngandji ka Unyashungu, la lu eteti ka Kristu.

### *Paulu Ambuhangwela Akanga a Nende*

6 Anyasu, tambunyosengasenga lu

lukumbu la Khumesu Jesu Kristu, dia nyu mumo uma le anyanyu tshe, akanga a nende, ndu wahayeli dietshelu diakatawaetsha. 7 Ne dia nyame mbeyaka wuhu wahumbanyu ntukuya; ne dia shu kundjala la nende l'atei anyu. 8 Shu konde ma di'untu olele, aha nfuta. Shu takakambaka ulimu wulu ndu la utshu ndu la yanyi, dia shu tatyalelaki nduku unto wutshu l'atei anyu. 9 Aha ati: Shu kundjala la wulu wa ntsha osoku, keli takalangi ndjala djimbitelu le nyu, dia nyu ntukuya. 10 Ne dia ndu lam'akisu lakanyu, shu takanyutela shati: Naka untu halangi nkamba ulimu, ndi talekaki. 11 Ne dia shu tambuka lukumu ati: Akanga a nende weko l'atei anyu, wahakambi nduku djimulimu, keli weko la saku lu akambu wa kana. 12 Kakiane, shu tambosengasenga antu wa wuhu oso, ndu tambâsengasenga le Khumadiondjo Jesu Kristu, dia vo nkamba ulimu la ki, ndu dia ndjayangela ma diawo. 13 Keli nyu, anyasu, tanyuhhekoki ntsha ololo.

14 Naka untu hakitanya diui diasu lu mukanda one, nyendi untu ako, tanyosohanaki la ndi, dia ndi mbutshama sonyi. 15 Ku tanyalaki untu ako uku utunyi, keli nyûlaki uku unyanyu.

16 Kakiane Khumadiondjo ka ki, ndame anyusha ki tena tshe, lu wehu tshe. Khumadiondjo ayali la nyu tshe!

### *Ambâtumela Moyo; Ambâtshokola*

17 Diui ne dia moyo mbufundjimi, dimi Paulu, la lunya lami. Dio dieko djimbitelu lu mikanda tshe wanyufundelami. Wuhu ako mbufundjimi. 18 Ngandji ka mamba ka Khumesu Jesu Kristu kayali la nyu tshe!